

Posjeta općini Bosanski Petrovac

18.12.2014 09:29



Direktor Federalne uprave za geodetske imovinsko-pravne poslove Željko Obradović je sa svojim pomoćnicima Antonijom Sikimić i Nedžadom Pašalićem posjetio općinu Bosanski Petrovac gdje se sastao s načelnikom općine Zlatkom Hujićem i njegovim pomoćnicima. Razlog posjete bio je sagledavanje stanja katastarske dokumentacije u Bosanskom Petrovcu i iznalaženje načina za rješavanje pitanje uspostavljanja katastra nekretnina u ovoj općini. Naime, na većem dijelu općine na snazi je popisni

katastar, što pravi prepreke kako građanima tako i mogućim investitorima koji žele ulagati u općinu Bosanski Petrovac. Nakon sagledavanja katastarskog i zemljišnoknjižnog stanja u općini dogovoreno je da će Federalna uprava za geodetske imovinsko-pravne proglasiti tri katastarske općine – Bare, Kolunić i Rašinovci te ih proslijediti zemljišnoknjižnom uredu Osnovnog suda u Bihaću, čiji su predstavnici također prisustvovali sastanku.

Dogovoreno je daljnje sufinansiranje izrade baze podataka katastra nekretnina za ovu općinu u 2015. godini i nabavka dodatne računarske opreme potrebne za redovne aktivnosti katastarskog ureda.

Razgovaralo se i o novom zakonu o izmjeri i registraciji nekretnina u Federaciji BiH, koji je u parlamentarnoj proceduri i kojem se daje puna podrška kako bi se sistemski riješila pitanja izlaganja nekretnina na javni uvid te upravne strukture zemljišne administracije u Federaciji BiH.